



## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. III. Ambrosium libere sciscitandi copiam sibi non fecisse: ex eo se cognovisse, Deo Catholicos humanam figuram non tribuere.

**urn:nbn:de:hbz:466:1-10120**

## V S V S.

1. Sobrietas insignis elucet S. Monicæ , quæ ex uno eodemque poculo , dignationem non tam bibebat quam sorbillabat , præsertim si in pluribus Ecclesiis Agapen celebratura erat : ne vide- licet , si plura pocula eaque non diluta sumeret , in temperantiæ leges peccaret.
2. Probathic mœs cultum Sanctorum in veteri Eccle- sia consuetum , et si postea ob varios abusus epu- lœ ex Templis omnino proscriptæ sint. In quo- rum locum successerunt oblationes tum pecu- niæ , tum panum , & vini , quæ à fidelibus no- stra etiam ætate , sub Sacrificio Missæ ad altare offerri solent , & in usum Ministrorum Eccle- siæ cedunt. Hinc quoque manarunt *portule* , quæ in Dedicationibus , funeribus , anniversariis , & natalitiis Sanctorum , pauperibus plurimis locis dividuntur.
3. Magnum Dei beneficium est parentes habere probos ac sanctos , ut merito S. Ambrosius gra- tulatus sit S. Augustino de tali matre. A paren- tibus educatio præcipue pendet , quæ si bona est , ingens momentum affert ad salutem. Talium enim parentum liberi innocentiam facile conser- vant , aut si sua aliorumque culpa degenerent , re- cordatione parentum , eorumque castis precibus ad frugem redeunt.

## C A P. III.

*Ambrosium libere sciscitandi copiam sibi non fecisse : ex eo se cognovisse , Deo Ca- tholicos humanam figuram non tribuere.*

1. a **N**ec jam ingemiscebam orando , ut subvenires mihi , sed ad quæren- dum intentus , & ad differendum inquietus erat animus meus. Ipsumque Ambrosium , felicem quendam hominem secundum se- culum opinabar , quem sic tantæ potestates honorarent : cœlibatus tantum ejus mihi la- bo-

boriosus videbatur. Quid autem ille spei gereret adversus ipsius excellentiae tentamenta, quid luctaminis haberet, quidve solaminis in adversis: & *b* occultum os ejus, quod erat in corde ejus, quam sapida gaudia de pane tuo ruminaret, nec conjicere noveram, nec expertus eram. Nec ille sciebat aestus meos, nec foveam periculi mei. Non enim querere ab eo poteram, quod volebam: secludentibus me ab ejus aure, atque ore, catervis negotiorum hominum, quorum infirmitatibus serviebat. Cum quibus quando non erat, quod per exiguum temporis erat: aut corpus reficiebat necessariis sustentaculis, aut lectione animum.

2. Sed cum legebat, oculi ducebantur per paginas: & cor intellectum rimabatur, vox autem & lingua quiescebat. Sæpe cum adesse inns (non enim vetabatur quisquam ingredi, aut ei venientem nunciari mos erat;) sic eum legentem vidimus tacite, & aliter nunquam. Sedentesque in diuturno silentio (quis enim tam intento esse oneri auderet?) discedebamus, & conjectabamus eum parvo illo tempore, quod reparandæ menti suæ nancisciebatur, feriatum ab strepitu causarum alienarum, nolle in aliud avocari: & cavere fortasse, ne auditore suspenso, & intento, si qua obscurius posuisset ille, quem legeret, etiam exponere necesse esset: aut de aliquibus difficilioribus disceptare quæstionibus, atque huic operi temporibus impensis, minus quam vellet voluminum evolveret: quanquam & causa servandæ vocis, quæ illi facillime obtundebatur, poterat esse justior tacite legendi.

Quolibet

Quolibet tamen animo id ageret, bono utique ille vir agebat.

3. Sed certe mihi nulla dabatur copia sciscitandi, quæ cupiebam, de tam sancto oraculo tuo, pectori illius, nisi cum aliquid breviter esset audiendum. Aestus autem illi mei, ociosum eum valde, cui refunderentur, requirebant, nec unquam inveniebant. Et eum quidem in populo, verbum veritatis recte tractantem, omni die dominico audiebam: & magis magisque mihi confirmabatur, omnes versatarum calumniarum nodos, quos illi deceptores nostri adversus divinos libros innectebant, posse dissolvi.

4. Vbi vero etiam comperi, ad imaginem tuam hominem à te factum, à spirituibus filiis tuis, quos c de matre Catholica per gratiam regenerasti, non sic intelligi: ut humani corporis forma te terminatum crederent atque cogitarent; quanquam quomodo se haberet spiritualis substantia, ne qui-dem tenuiter atque in ænigmate suspicabar: tamen gaudens erubui, non me tot annos adversus Catholicam fidem, sed contra carnalium cogitationum figmenta latrassè. Eo quippe temerarius & impius fueram, quod ea, quæ debebam quærendo discere, accusando dixeram. Tu enim altissime & proxime, secretissime & præsentissime, cui membra non sunt alia majora, & alia minoria: sed ubique totus es, & d nusquam locorum es, non es utique forma ista corporea, tamen fecisti hominem ad imaginem tuam, & ecce ipse à capite usque ad pedes in loco est:

N O-

## N O T A E.

- 2.
- 1.5.C.14. a Nec jam ingemiscebam orando) apparet S. D. Academicis fluctibus abreptum, subinde orationis studium, de quo supra, desperatione invenienda veritatis deposuisse: accedente præsertim desiderio gloriæ humanæ, quæ cogitationes illius à salutis cura avertebat. Non assentior tamen Baronio, qui asserit S. D. inter Academicos sedulo professum, ad quos eum se contulisse, Spondanus itidem putat. Nam etsi more Academicorum fluctuaret, & cum illis sentiret: sectam tamen illorum professus non est, nam & illi sine nomine salutari Christi erant, sine quo philosophis curationem languoris anime sue committere omnino recusabat, ut aperte scribit; additque statuisse se tandem esse catechumenum in Catholica Ecclesia, sibi a parentibus commendata, nec aliquid certi eluceret, quo cursum dirigeret. Non ergo statuit esse Academicus, etsi magni illos faceret, & illorum more dubitaret de oīnibus.
- A.C.384. b Occultum os ejus &c.) meditatio nempe, in qua cælestia solatia, de pane verbi divini manducabat.
- 1.5.C.14. c De matre Catholica) intelligit Ecclesiam Catholicam, quam sine addito Catholicam sæpius appellat, & alibi docet, hoc nomine toto orbe nullam hæreticorum Ecclesiam intelligi, sed solum eam, quæ vere Catholica est.
- contra ep. Fund.c.4. d Nusquam locorum es) ita ut loco includaris, & non sis extra illum; hoc enim repugnat immensitati. Quam ob causam merito S. D. non credebat Deum humana figura terminari, quia homo à capite usque ad pedes loco circumscribitur, etsi male crederet Catholicos hoc docere.

## V S V S.

- I. Sicut perperam Augustinus de S. Ambrosii terrena felicitate, quam ipse nec quærebat, nec habebat, judicavit, ob externum splendorem, & Episcopalis Officii dignitatem: ita multi etiamnum viros Ecclesiasticos & Religiosos, quorum virtus & eruditio à summis & infimis colitur, immerito condemnant vanitatis, & politicæ arrogantiæ. Qui si viderent illos intus nihil spei caducæ gerere; & adversus ipsius excellenciam
- ta.

tamenta luctari, per continuam sui abnegationem : nec aliud solatum in adversis preter Dei voluntatem querere, & solida gaudia in oratione gustare : indeque immem vigorem suum trahere, cessarent de illis male sentire, & pede suo eos metiri.

- .2. Maximi momenti est ad conversionem ab hæresi, sectariorum injurias cognoscere, dum mentioniuntur Catholicos docere, quæ abominantur. Id sane in Manichæis clare deprehendit Augustinus, à quibus persuasus est, Catholicos sentire, hominem secundum corpus creatum ad imaginem Dei, quod & absurdum, & falsum est.

## C A P. IV.

*Etsi S. Ambrosius ostenderet, Catholicos non docere, quæ putabat : se tamen ne falsa crederet, ea quæ credenda sunt, sibi demonstrari voluisse.*

I. **C**um ergo nescirem, quo modo hæc subsisteret imago tua, pulsansque proponerem, quomodo credendum esset, non insultans opponerem, quasi ita creditum esset : tanto igitur acrior cura rodebat intima mea, quid certi retinerem, quanto me magis pudebat, tamdiu illusum & deceptum promissione certorum, puerili errore & animositate, tam multa incerta quasi certa garrisce. Quod enim falsa essent, postea mihi claruit. Certum tamen erat, quod incerta essent ; & à me aliquando pro certis habita fuissent, cum Catholicam tuam cæcis contentionibus accusarem, & si nondum compertam vera docentem, non tamen ea docentem, quæ graviter accusabam. Itaque confundebar, & convertebar, & gaudebam Deus meus, quod Ecclesia unica